

蒼葭初集



蒼園詩武初集

序

明茶陵李文正公嘗言吾楚人多不好爲詩能詩者莫吳越若也而茶陵之詩名於一代近時吾楚中獨多詩人謹吾湖湘間專門擅聲者略可以十指數其與吳越何異當復有如茶陵之名一代者乎自唐以後詩家概宗杜氏而所以學之各有不同茶陵之詩亦學杜論者稱其愈於後來諸子之貌似然茶陵遭值太平少歲登朝踐歷華要爲名宰相所爲詩多清和莊雅愉快馳蕩信爲廟廊學士之風其如杜氏之憂寫時事足以發人忠愛感激之思者蓋亦少矣亦各因其時而然也翰林侍讀善化孫君芝房自

蒼莨詩集

序

髫童以才子發聲及在詞館遂名重天下大考躋階有公輔之望迹其出身遭遇殆甚似茶陵矣余以公車在京師辱與交得盡讀其前後詩集蓋自漢魏六朝以及唐人之體製靡不做效爲之而歸宗於杜氏其才又高而辭義日益雄富余竊意今之當名一代者必君也而數年以來盜起粵西一隅遂破壞吳楚齊豫之郊官軍圍鬪募卒率饑天下大苦君方假歸主講石鼓來書言子向觀吾詩所欲爲存者吾已都錄爲一集倘能爲序之又言近有作殊勝前甚欲令子見之也嗟夫君之詩善學杜氏不後於茶陵而今天下乃復有如唐杜氏之時者則君詩之神於類杜

亦勢使之然是茶陵之所無抑豈君之所願有耶而君又
烏能自己也吾湖湘間豪傑方從侍郎曾公治民兵剿賊
曾公故雄於歌詩而今未暇也君其益爲杜氏之作如奉
先北征諸篇者僕雖賤乏才猶能隨而和之俾天下皆知
吾楚人忠義之風不薄茶陵誠不足多也咸豐乙卯四月
巴陵吳敏樹序

蒼葭詩集

序

二

蒼葺詩賦附錄目錄

卷十七 詞

百字令 九月集福善寺懷沈栗仲先生

憶秦娥 寒夜

杏花天 清明

探春慢 春煙

疏影 春露

河傳 春去

湘月 梅花

金縷曲 歸期

蒼葺初集附錄 目錄

高陽臺 舊琴

淒涼犯 舊扇

水吟龍 舊帆

摸魚兒 秋萍次張仲遠韻

金縷曲 秋柳次仲遠韻

南浦 次顧子山和玉田春水韻

卷十八 附錄賦

御試擬楊子雲長楊賦

御試正大光明殿賦

擬鮑照園葵賦

館試涼鷹臺殪虎賦

館試石鼓賦

館試匡說詩賦

館試天賜時玉賦

灞橋詩思賦

館試梅柳渡江春賦

館試文翁化蜀賦

館試春雨如膏賦

館試仁壽鏡賦

館試金蓮炬送歸院賦

蒼黃初集附錄

目錄

卷十九

附錄

併體文

與鄧湘皋丈書

送張蔗泉游金陵序

李梅生遺集序

羅太翁六十雙壽序

孫鼎菴封翁六十壽序

文荻堂封翁七十壽序

卷二十

卓海帆相國七十壽序

徐太母羅太宜人百有一歲壽序

邵母王太宜人七十壽序

宗母王太恭人八十壽序

張母王太夫人六十壽序

吳母嚴夫人公祭文

卷二十一 附錄 試帖

雄文似相如

遠邀山翠入軒窗

敦俗勸農桑

繞屋樹扶疏

三法求民情

蒼葭初集附錄 目錄

柳邊人歇待船歸

月照平沙夏夜霜

宜與諸儒論石渠

團扇風前眾綠香

樵路細侵雲

月色江聲共一樓

綠浦低雨釣船歸

竹拂闌干滿壁苔

殘星幾點雁橫塞

遙爲晚花吟白菊

人迹板橋霜

東閣官梅動詩興

萬古斯文齊岫嶺

何人作頌比崧高

扇涼山雪畫青繪

君子防未然

桐葉知閨

青山常對捲簾時

待問如撞鐘

紅落過牆花

蒼葭初集附錄

目錄

遠移山石作泉聲

閑邪存誠

良苗亦懷新

秉心塞淵

闔門左扉

先後筍爭膝薛長

雲中辨江樹

良弓爲箕

歲豐仍節儉

新秋雁帶來

進德修業

瓜田不納履

偶逢樵者問山名

水底遠山雲似雪

恭儉惟德

如保赤子

以古爲鑑

竹解虚心卽我師

池面魚吹柳絮行

舉直錯枉

蒼葭初集附錄

目錄

滿地梨花昨夜風

好竹皆當要處生

松老無風韻亦長

泉聲帶雨出谿林

龍見而雩

四時佳興與人同

成名成事皆因慎

木落又添山一峯

投籤警寐

追琢其章

敬器示戒

積潤初銷碧草新

快雪時晴

萬頃江田一鷺飛

獎勸循良

弓膠昔幹

烏邊花暖釣江春

垂雲助麥涼

習射殿庭

王瓜生

蒼葺初集附錄

目錄

苦菜秀

清光門外一渠水

動復歸有靜

蝮蝮鳴

循名責實

思不出其位

不踰矩

園林初夏有清香

稱物平施

得賢弭盜

移花兼蝶至

日氣含殘雨

南風之薰

紅杏尙書

蒼葭初集附錄

目錄

七

蒼葺初集卷十七

善化 孫鼎臣 子餘

湘絃詞

百字令

九日集福善寺懷沈栗仲先生

寺門疎柳作輕煙淡雨過江秋色黃葉聲中人載酒來問
籬東消息落帽風高寒沙平楚斷雁如殘客茱萸醉把人
生嘉會難得 回首前度琴尊柴桑歸去縹緲飛鳧隔山
色綠蘿無恙在看我登臨此日佛火深龕鐘樓返照短衲
僧頭白蒲團閑坐說陶公舊遊迹

憶秦娥

寒夜

蒼葺初集

卷十七

一簾風畫堂銀燭搖春紅搖春紅瀟湘雁遠斜月樓東

石闌深處花溶溶海南初試然熏籠然熏籠繡屏掩後影

浸秋銅

杏花天

清明

禁烟時節花飛絮又一點分來宮炬冶春心事低迷處豆
蔻梢頭風雨 漸移了暖紅簾幕又閒了踏青簫鼓鶯鶯
燕燕都來訴無計將他分付

探春慢

春烟

灰水樓臺峭寒城郭平林淺蘸如畫似有還無欲開仍合
膩住垂楊無賴微雨空濛裏便忘了踏青挑菜釀成十日

春陰牡丹芳意偷解 迢遞板橋西畔捲一桁碧波銀蒜
高掛雁趁疎鐘鴉拖殘墨盈望亂山暮靄好是愁人也漸
暝入碧紗窗外甚日歸來淡痕埽上眉黛

疎影 春露

海棠庭榭看黃昏月上涼玉微瀉奪得燕支瓏髓和勻風
容十倍輕冶畫欄不覺羅裙浣只怪道寒添今夜滑盈盈
一道蒼苔卸砌等閒休下 瓶簫井華新汲起來對寶鏡
蛾絲新寫誰遣攀來穠艷未乾壓釵邊巫雲全亞洛妃無
語凌波遠見說弄明珠盈把但憑伊散入花間莫上相思
鮫帕

蒼莧初集

卷十七

二

河傳 春去

春去何處雨溟濛深徑鶯啼亂紅二十四番花信風惺忪
海棠愁正濃 遙想翠樓天共遠腸欲斷春緒隨春換兩
相思春不知不知含情當語誰

湘月 梅花

素琴膝上悄偎人寒玉疎影簾際漸近春宵三九後月色
便多歡喜綠萼分攜蠟書不到夢裏江南水綺窗微雪不
知此日開未 辜負湖上青山疎枝冷蕊正東風初試鶴
病新蘇可耐得凍石清泉滋味詞筆粗疎笛家哀怨心緒
都難寄無人林下一雙翠羽飛起

金縷曲 歸期

風攪楊花顛正柔波綠平南浦湘離春晚一寸愁犀誰將
去蜀國細桃新染又不道澄心番短但是真珠休恨少况
紅鈿鮫暈和零亂憑細認色深淺 迢迢雙燕情何限只
丁甯天涯芳信歸期不管珍重紅蕉層層護羞對春風都
展暗自把蛾山蹙損楊柳成絲青欲老隔龍沙好夢封侯
遠斜月夜杜鵑喚

高陽臺 舊琴

松月潮聲蕙烟人影幽蘭裊入新詞流水年芳細囊暗換
蛛絲前身酒病在中散論風懷焦尾方知甚吳桐寸寸冰

蒼莧初集

卷十七

三

紋畫壁愁窺 起來還按湘妃譜奈神蛟倦舞錦薦寒欺
秋老文園瀟瀟碧斂梧枝春絃只被柔荑誤把幾行金雁
差池聽清商欵欵調來可似年時

淒涼犯 舊扇

冷螢閃入簾旌暗梧階驟雨初歇篝香散盡懷中宛轉舊
時圓月秦鸞影絕贖一角青繪山活問秋風今生那日再
與片時熱 密密湘東字翠墨秋毫素紉愁滑鬱金未浣
憶鍼樓晚涼時節容易經年清夢斷桃笙如雪更誰禁枕
畔絡緯語切切

水龍吟 舊帆

鈿車陌上春來翠梢繭栗東風軟桃根恨重楊枝力小江
南腸斷怨粉零紅愁山瘦碧爲誰深淺蕩五湖烟水生涯
一舸花如雪雁來晚誰信天隨疎誕最難忘菰羹菰飯
西施未老魚經乞得鷗盟真踐巫峽朝雲黃陵暮雨酒醒
天遠任秋蓬兩鬢聽風聽水舊帆萍轉

摸魚兒

秋萍次張仲遠韻

蕩秋光垂虹橋畔漁莊容易煙暝班騅遠餞東風去雲水
浮蹤難定誰喚醒尙夢繞紅樓約素春人影華年重省便
行徧長干綠蕪沒盡難識舊時逕滄波遠誰念江妃宵
冷魚書消息中梗落霞孤鶩沈千里愁絕五湖烟景江路
蒼葭初集

卷十七

四

永問飄泊年年怎生情性商量幽恨有晴雪蘆村殘陽蓼
渚一鷺影相映

金縷曲

秋柳次仲遠韻

明月揚州路是何人玉簫低咽傷心金縷司李風流銷沈
後一片竹西烟雨又瑟瑟江天遲暮繡陌弓腰看不見上
寒潮淦淦荒江渡霜信緊角聲苦長隄曾繫龍臚處數
前游鈿箏北里畫船南浦十里春波明如鏡照見樊娘眉
嫵恨殘照西風無緒舊事蕪城重觸忤裊柔絲不縮人愁
住歌板在忍重訴

南浦

次顧子山和玉田春水韻

暗渡柳梢春只攔邊門鴨今朝先曉新綠沒篙痕漁梁外
殘雪東風全掃魚鱗漸起嫩紅一點溪桃小早有漁柳勾
引出來問落英芳草春風底事干卿把鏡裏新蛾無端
縵了南浦畫船橫垂楊岸已是玉驄嘶到蘅皋路渺江梅
青子流鶯悄料得浣紗溪畔石後日來時應少

蒼葭初集

卷十七

五

蒼葺初集附錄卷十八

善化 孫鼎臣 子餘

御試擬楊子雲長楊賦

元延二年冬上幸長楊宮大獵其秋先發民自褒斜漢中致珍禽奇獸以實苑囿期會促迫不得收斂雄從上蓋屋還乃因其事設爲主客陳民不便明先朝之業賦以風之其辭曰有鏡微文學問於元隱大夫曰蓋聞聖秉淵烈愬契立憲而黔首是懷動有鸞和之節服有葢續之制而居則茅茨土階無廣欲以崇侈無利民以殫財故能勒崇垂鴻風示將來今殊方異族憬我文德款關入侍俛就銜勒

蒼葺初集附錄

卷十八

一

乃欲盛講武事因茲以威戎夸狄開長楊之宮詔虞人使典澤斥華陰以爲翳拓昆鄰以爲席彌山張罟擊場拄杖採薄窮阻迄杜蹊塞挂封稀縹文豹絹猥踠蹠倚麋駘躡跳谷簸神騰鬼趨吸鼻瀟淖嶽墟霍奕致之乎周法之中以觀三軍之殺獲蓋游獵之壯觀而威武之至極也然而三旬之勤而一朝之娛我黍我稌而民不得以爲租我倉我庾而民不得以爲儲其諸長世字吐王者之令圖乎且夫荒服之來王也燕饗慶賚以示慈惠而已仁者不作無益害有益不勞中國以勤四裔夏有禽荒之戒周有虞箴之文豈雄倅尊默瞑瞑躡躡云爾哉重妨民也鄙人尙督不

知所裁惟五子言之大夫道爾而笑曰若子之言所謂觀
潢汚之水忘江海之流執奧窔之熒燭而不知日月之光
澈六幽也今將語子以扇巍顯翼康化所由使子得聞其
略焉昔在嬴氏專籙金虎傳翼帝亂厥政蘊崇其慝高祖
龍興豐沛順天行罰羣策景附神鋒發席卷三秦強項
灰滅夷殘龕暴剝是苞枿士不解甲馬不釋縶者七年於
茲然後大半之賦除參夷之刑弛禁網疎闊天下更始蓋
其基事元命若是之難也豐隆淵載詳固洪聲若是之偉
也高既肇造區夏文又躬體淳懿索愛襲恩以聲華嘔苻
嫗掩族類敦節儉斥奢麗疏珠玉之珍屏犀象之貴莞蒲
蒼黃初集附錄

卷十八

二

爲席而革鳥之履書囊爲帷而弋綈之衣弛陂池山澤與
百姓共其利將使者欲不牽其慮參秦不經其志克已復
禮以垂訓後嗣及甌越梗命叩笮西連單于內侵跳跟近
邊孝武軫吏士之奔命急遐氓之倒縣勞心焦思決謀幾
先命將帥簡材官武騎橫厲戎車駢闐戈鋌彗雲朱旗殷
天動若川流止若高山屯且蘭之勁卒下湟水之樓船絕
大幕踰燕然涉弓盧衡居延犁老上之庭艾車耆之旃厭
谷蠡之壘決日逐之藩威燿旁達摧剛破堅如洪爐之燎
鴻毛迴颺之拉枯根也是以賢王稽顙夜郎蛾伏冉駹靡
莫之地疏勒康居之族莫不懷琛輦費稱臣屈服於斯之

時海寓清晏行旅路宿人無兵革之警得息肩於南畝優游井牧獄訟希少國富人足夫列聖重光垂精緝熙馮翼之化洋溢四垂然皆廩廩若不足邛然形茹神樂始之以昧且不顯終之以塞晏無爲豈非嚴虔王度不以天下爲一人私哉今皇道惟融帝猷惟清英風旁穆豐澤雲鵝長駕遠馭鋪德樹聲紘埏所洎泯泯然稟印太皞蒙被休經主上居安慮危關流離而抑不詳張皇六師闡肆威棱乃背秋涉冬顓頊司征乘戎輅建太常經五柞出林光迺卒慄怒羽旄飛揚雲卷風馳電激雷碾虎豹凌遽熊羆聿皇北震昆邪東讐樂浪折衝恢方武節躡躡然而上下馳騁

蒼莨初集附錄

卷十八

三

蘋觀遠蹠常懼流遞忘返踰侈過則後世惑於前事不折中以殷湯周文之迹士怒未涑徒御未斲還轅改乘日不及景下明詔揚景風辟污萊振困窮申力田之科緩縣官之共蠲鹽鐵之禁銷劍戟之鋒於是大開景章博引羣彥擢穎幽仄優游直諫管傅說於胥靡登空桑於鼎鉉與之昌言閎議入書林發秘府容與乎道德之塗翺翔乎禮樂之圃參神施於昊乾貳造化於后土貞兆建元符集封泰山而禪梁父是用承聿懷之福統楫兆人亦以肅若舊典光高文之令緒被之乎無垠曾是湛於遊畋聊浪郊原縱耳目之娛樂廢閭閻之耕耘恣禾稼之蹂躪騁車徒之紛

紘哉小子屬休明之運不能深觀大道疏通長慮無惑乎
穢植索塗守目論而不之寤也文學於是賒焉失所愾墨
而謝曰固哉余乎矜齊給之小辯味康衢之逸轍乃今得
奉教君子聞大漢之洪烈走雖不敏庶斯達矣

蒼菴初集附錄

卷十八

御試正大光明殿賦

以樂民之樂以和性情情爲韻

偉

帝圖之緝熙壯神州之式廓崇墉則都城磐鞏沃野則

華林規拓體

辰極以居中模元象而有作表

正大以鎮萬邦宣

光明而燭六幕於以章

一人之度於以同庶民之樂昔我

世宗之建

圓明園也制不過則役不勞民憑林宅岫架壑帶津巖秀

蒼葭初集附錄

卷十八

五

藻繪泉流醴醇壽山之陽前湖之濱其戢香捷獵森然而
外環者周廬之繚繞其齒翠鬱岬隆然而中峙者

金殿之璘幽爾乃構檻攢列芬橈參差長廊對闥周軒曲

楣瓦琉璃而曠朗棟栒華而倒披

洞明之堂旁屬而爽塏

靜鑑之閣遙拱而垂屨瞻

璇題之輝麗鬱龍鸞之逸姿緬

心傳之昭揭惟

聖人克承之正之爲義理賅而約屹如表立直如繩削在
弓則輔檠在及則廉鍰人倫以爲準的羣慝於焉簫勺由

一心而放之域四海而彌博醇源既斟民氣胥樂大哉乾
元功在資始一統外薄車書同軌宙合盧牟埏紘表裏象
天之穆清以旁魄譬海之溶漾而演池七體宏鋪五德甄
理萬物覆焉廣生是以正以道德爲麗大以仁義爲羅惟
光輝之普照由明察之功多炳璇衡而迪化融玉燭以陶
和垂麗景於中陽鏡彛采於榮河此煌煌

寶訓光明所由與正大同科也

皇上御乎其中席蘿圖懷藻鏡敘九工端入柄山立淵涵
金昭玉映粹乎

居敬以窮理穆乎

蒼莨初集附錄

卷十八

六

存心而養性

恭已無爲則有虞氏之政也上下格被則伊耆氏之盛也
大矣哉胥爽光明悉本諸

皇心之至正若乃雲波樂拱旭景杲恩黼帟周張蘭錡分
枝以祝

洪假天保有辭以綏外藩朝正有儀以飫羣寮肆筵奉匭
以校儒臣緝頌刪詩濟濟焉踰踰焉峩冠佩紱者罔敢不

肅

天顏霽而載怡敬作頌曰維

皇建極

德洽道亨茅茨土階

儉以示程

宵衣旰食

勤以勵精陋秦阿房跨漢兩京揄揚賦頌賡續咸英以宣
上德以抒下情

蒼莨初集附錄

卷十八

七

擬鮑照園葵賦

以題爲韻

并序

葵生而向日有君子之忠焉昔鮑照園葵賦敷陳物理歸於樂道安命其識遠矣然斯旨未暢讀者憾之爰依其製廣其義而爲賦曰

青陽肇序土膏脈起樂幽居之閒曠觀風日之清美開園布種通渠激水草蒙茸而始翦卉蒼蔚以咸理嘉蔬環列密葉交委狀豚耳而差同形鳴掌而可擬觀品彙之蕃殖驗化工之神巧青萼雉尾白薤龍爪陸植萱蘇澤被芹茆甘薺冬摘苦芥夏拗味區荼葦臭別蘭鮑紛蒞專以競秀孰亭亭而不撓若夫紫帶含英素蓋吐耀秀當春而並擢

蒼莧初集附錄

卷十八

八

華凌寒而孤照靚柔色以蔥蒨蒨深叢而宵窳甘澍微灑景風遠召荷鋤時至負杖延眺悟卽事之可樂信靜者之多妙爰采爰擷或烹或燂醯醢旣調水火交溫甘含露華彫切霜根芬芳外達膏潤內存和神益氣蠲濁除煩足棲遲於泌水長逍遙於漆園近循物理遠覽前規爵何貴乎執珪田何羨乎負葵昔魯相之見拔秉廉正以自持惟鮑莊之致誚無明智以識時甘息機於漢陰躬學圃於樊遲識鼠飲之易足雖馬佚而何追思君子之立身尚懷忠而履素伊嘉植之誕生全靈性於天賦荷陽暉之曲鑿仰末光而思附迎朝旭以東指送夕景以西赴抱拳拳之微意

志欣欣之餘慕諒終始之同操豈窮達而殊趣矢精誠以
自勗勵好修而永固退援筆以陳詞用抒情於風諭

蒼真初集附錄

卷十八

九

館試瞭鷹臺瘞虎賦 以仁虞舊院舉春蒐爲韻 謹序

臣謹按瞭鷹臺者在南海子中本元之仁虞院也我朝修明軍政歲舉春蒐合圍之時

乘輿親臨將校此焉咸集

皇上御宇以來

蹕南苑者十有一茲復以季春之月載舉

行圍

命虎槍營瘞虎以習技擊循故事也 臣伏讀

御製南苑較獵詩兢兢於無荒騎射而

習勞肄武中時寓

蒼莧初集附錄 卷十八

十

尚德好生之意懿哉

武以定功

仁以育物合於古三驅之義非漢唐以後馳騁田獵比也
臣謹拜手稽首爲之賦曰

惟

聖建極握符闡珍

壽載周於寰寓震疊及於海濱

武略燁其旁達軍令肅以重申威應之槍舉吉雲之駟馴

考蒐狩之常禮動簡闕於良辰兩翼之士入旗之倫總總

樽搏隱隱麟麟蓋將以厲兵選士衛我生民而亦以謹節

制度昭我

皇仁其地維何城南之隅是謂海子巡以野虞其海有五
眾水所趨泉九十四相爲灌輸其河曰團鳳其橋曰馬駒
環九門之兕肆廣一畝之涵濡偉高臺之傑出赫摩豁以
睽眾煥

天章而有耀紆

奎藻以宏敷紀行蒐於廣甸展春望於名區奉

宸賞壯

皇圖齊步伐簡車徒歲在敦牂姑洗律奏

皇上祇謁

蒼莧初集附錄

卷十八

十一

橋山

迴鑿文囿禮惟其時事惟其舊導

華蓋以前行望烏墩而肅候珠車森其緹獵寶勒紛其馳
驟撫雙弧而齊出躍萬馬以奔湊圍場旣飭延屬廣袤兩
哨前列而騰驤兩協分張而先後白旗紛浴以猗猗黃纛
翩幡而戾颺浩乎若旋淵之波粲乎若麗天之宿咸拱衛
乎周廬以待

一人之指授然後樹戈鉞耀組練隨穆音而競發驅枕愛
於重馱馬走如風矢集若霏迹黃塵於平坂搏赤狐於修
甸窺乳鸞於熊館掣飛鷹於鹿院陵高赴深因利乘便弓

不妄發及不虛劓被陵緣谷心駭目眩時則猶未見虎也
而已足驟奔霆而躡飛電有虜有虓哆口鈞距一躍而出
循乎平楚始徘徊而躡躅繼前却而迎拒忽森怒以騰擲
逞雄姿而高舉不知夫賁育之徒伏飛之侶挾長矛以環
立厲鉞及以凝竝方突起於當前已洞心而貫膺信乎卞
莊之勇不足言中黃之技不足語也行賞論功按兵振旅
莫不仰

天子之威稜而奏成功於

當正然而

皇上穆然遠想咨爾羣臣日子一人簡練將士必躬必親

蒼黃初集附錄

卷十八

十一

匪曰游觀惟憂憲是遵匪日於暇惟六師是巡方將撫綏
有夏長世字人俾普天之下無一物不得其所皆含和而
飲醇澤有神馬藪有游麟庶幾哉塞晏之化洽而顯慶之
貺臻乎於是迺

還鑾輅

沛絲綸

頌尙方之文綺出少府之錢緡

湛恩汪濊上下惟均斯時也百昌蕃衍句萌畢伸品彙昭
蘇協氣無垠各旼旼而睦睦函宙合以同春乃爲頌曰

帝德廣運萬方承流弧矢載戢卒乘時蒐高原膺臚叢薄

幽幽武衛風馳羽葆雲浮依山爲陸彌澤張采獸不窮索
騎不盤游湯網啓殷涓獵隆周倚興

聖人實與之侔物遂其性民樂其庠於萬斯年壯我
皇猷

蒼葭初集附錄

卷十八

十三

館試石鼓賦

以岐陽刻石史臣作書爲韻

訪岫嘍之秘刻尋嶧山之殘碑文漫漶而莫紀鬱望古之遐思惟獵褐之瑰偉揚盛烈於幽岐逮李唐而始顯厯金元而不壞雖復雨淋日炙蘚繡苔滋猶得就集古四百餘字之迹而窺見夫大篆一十五篇之遺周室中葉興於宣王炳江漢之偉烈舉蒐狩之舊章在吳之麓於汧之陽籛徒御以講武事彰稜威以懾遠方勒貞石於不朽邁簡策而有光維史籀之文字乃冰斯之津梁其制則穹隆嗟峨輪困嶄崩匪金而鎔匪土而埴其文則膠戾蜿蜒旁魄鬱特浩乎蛟鼉之騰淵警乎鸞皇之矯翼森鍊索而金繩陋

蒼莖初集附錄

卷十八

古

雕蟲與篆刻耀春嫵於千葩垂慶雲於五色義古文新時移世隔翰采雍郊淪精燕積居民鑿曰以質春野人剔金而棄石鄭餘慶見而摩挲向傳師加之搜索初缺一而未完後並十而全獲考薛氏之所摹讀吾衍之所釋雖或減而或增其成數止於四百乃有學古之儒方聞之士奇秘爭探疑難互起永叔謂虞芮質成之年廣川謂越裳重譯之祀聖蒙之篇揚其波雍錄之文暢其旨曾不知夫文無天子之稱而籀亦非成王之史又有據秦斤之殘字疑嬴氏之遺珍緣大狩見北周之紀以刻石爲宇文之臣焦竑因之附會揚慎從而引申怪帛柳之非體議毆岳之不倫

殆捫籥以爲日猶執玉以擬珉嘗試取浚長之遺文證太史之所作瀦卽流而加繁更本事而從約數同微而匪誣迂改徒而乃鑿其他勒諸尹彙載之碧落於尙書知攸假爲迨於孝經知亞原通惡宣寫宣而詛楚之文具存掩省奄而盃和之鐘可拓證以前聞粲乎奐若斯器也豈非小學之所資古文之所託哉我

朝治光雅頌道一車書仰

御論之精博已羣疑之盡祛重鐫於訛闕之後表章於廢墜之餘光燭灤陽之野珍崇太學之儲星斗紛其燦爛雲霞翕其卷舒士也枕經薛史字櫛句梳其可不探微集逸蒼葦初集附錄卷十八
以追溯夫蟲文鳥跡之初

館試匡說詩賦

以文章爾雅訓辭深厚爲韻

繹清芬於箋傳校中壘之遺文與魯韓而並立有齊故之多聞列學官而鼎峙衍師說而支分獨解頤之語妙由鑿壁之功勤悟風人之要旨埽眾說之紛紜故言齊詩者至魏而寢息而治齊詩者以匡爲軼羣嘗考其佚說之與諸家異者草蟲次采蘋之後王風悉魯人之章黍離賦於衛壽關雎作於周康以還爲營在臨菑之地以土爲杜乃沮漆之鄉蓋其源出轅固書傳后蒼聞見各別得失莫詳然而釋騶虞爲官名準乎射義躋昧任於雅樂合乎明堂惟旁通而觸類緒迭引而彌長苟是丹而非素曾何貴乎扞

蒼菴初集附錄

卷十八

去

揚邗邗諸生濟濟弟子談正變者一縱一橫別異同者一彼一此望之第十年之學翼奉會五際之旨推儒宗者師丹世家訓者伏理非不表章六義敷宣四始然而緒論僅存鴻篇莫紀論不朽之盛業孰孤標之卓爾且夫詩固未易言也雜采失真羣言淆雅義巧病鑿詞誕傷野識緯失於支離名物困於掃摭矜多識於蟲魚忘無邪於駟馬何以明十五國之善敗何以見三百篇之取捨乎原文學精思潛運其論辨也風發泉湧汨乎其無窮其剖釋也縷析條分秩然其不紊或反覆以盡意或簡要以垂訓或顯易以直指或隱奧以待問申興觀之大義著勸戒之定分使

夫會之者神怡聞之者志奮不見其依經取證抗疏敷辭
陳國風之窈窕示抑戒之威儀於商邑思後生之永保於
周頌懍日監之在茲晉好儉而蟋蟀賦秦好信而黃鳥悲
援古訓著良規明朝廷爲立教之本推室家爲興化之基
揆刪詩之指趣或庶幾乎近之是以業光台輔名顯儒林
議禮定郊祀之典正樂調律呂之音凡太平之潤色由經
術之湛深雖其後毛公傳盛遺緒中沈夷考其精敏絕人
之學老成憂國之心固諸家所不得廢異說所不能侵
皇上天竄聰明日新富有卷阿之唱升於朝干城之材溢
於藪儒臣多鄭賈之倫與旨衍何劉之後標盧植之顓門
蒼莖初集附錄

卷十八

七

發王基之墨守賦比興其義兼賅齊魯韓其長並取不已
士習正而經術明雅頌興而風俗厚哉

館試天賜時玉賦

以五穀之精豐年之瑞爲韻

并序

明嘉靖中京師獲雪世宗諭廷臣有天賜時玉之語輔臣
夏言製賦以獻其時方術寔興祠醮日盛羣下競言符瑞
事多非實言之此賦意實近諫

臣仰見我

皇上勤政恤民不事祈禳早獲嘉瑞知感應之理以實不
以文爰乃商榷前事導揚

盛德爲之賦云

聖天子治懋登三績凝撫五

握璣鏡以臨宸輦金甌而拓宇口日則抱珥光騰星則連
珠影聚祥占干呂之雲甘沛浹甸之雨舉瑞應之紛綸悉

蒼莫初集附錄

卷十八

六

太和之鼓舞若乃序過西成寒凝北陸圃築禾登郊寒麥
宿冀渥澤之先覃盼祥霽而預祝始紛糝於平林遂瀾漫
乎深谷廣庶類之涵濡佐神功之化育命日時玉蔭茲嘉
穀徒觀其晶瑩夜色晃朗朝曦方裁珪而協矩圓合璧以
成規山則瑤峰萬仞野則琪樹千枝璇流曲沼璐積通達
皆第表其成形之潔而未彰其潤物之宜濡毫吮墨請爲
賦之且夫劭農者政之本也望澤者民之情也瑞莫如天
人之協應利莫如稼穡之有成祥鍾水德氣秉陰精譬崑
岡之毓粹蘊其菁英膏流廣野輝涵太清似荆山之積秀
發其光明高原下隰庶物遂生若藍田之旣種有瑰有瓊

崇墉比櫛萬寶豐盈象懸圃之環列有珞有珩昔在有明
嘉靖之中飛花甫散進詔羣工言也作賦扞雅揚風以爲
時則知休徵之非偶以爲玉則知嘉貺之難同殆猶有貴
賢寶穀之意或無慚捐金抵璧之隆苟靈承夫昊穉必時
亮乎天功庶幾國多善政史告屢豐而乃罔思無逸妄冀
延年宰輔則青詞競進方士則紫府高遷頌有嘉禾之目
賦有慶雲之篇擾靈鹿而入貢舞馴鶴而朝天來仙桃於
瑤島登異草於瓊田符瑞增其虛誕浮藻飾其聯翩忘農
桑之至計說清靜之真詮雖時王之偶應固無得而稱焉
曷若我

蒼莧初集附錄

卷十八

九

皇上民依在念吏績咸熙以敬爲

寅承之本以和爲致福之基三冬始屆六出紛披不封條
而凝凍每盈尺以含滋然則昭華之珍無以侔其貴延喜
之寶不能喻其奇何雨珠雨金之足道知宜禾宜麥之兼
資蓋來年之大有胥於此乎卜之遂作頌曰

聖人宰物淵默淳懿三光宣精五躔來備快雪時降同雲
廣被始自

畿輔四方爰洎寶甕凝甘珠舩表瑞時和年豐民食其利
猗歟盛哉惟

帝之賜

天子不居小心昭事

錫福延釐萬邦永治

蒼良初集附錄

卷十八

三

蘇頌撰蘇頌狀采節

太平不居小心昭事

灞橋詩思賦

以詩思在灞橋驢背爲韻

水郭山村之外饜風朔雪之時溪迴冰合樹老霜歇鴉寒
宿早雁遠來遲白認三义之路青橫萬戶之炊望中遠岫
寒林天然入畫踏徧板橋流水到處尋詩昔鄭綮夙抱幽
情特工吟事人游杜曲之旁家住新豐之地素澹停驂藍
田擁轡排空則雁齒紫紅駕浪則魚鱗翠東風楊柳記
年時送客離亭南國梅花又此日撩人芳思時也朔吹淩
虛飛霏散彩水氣寒生山峇凍改徑竹參差礪松硯礪千
枝則樹抱瓊柯萬頃則花搖銀海和白雪陽春之曲郢客
眞稀賭黃河遠上之詞旗亭好在爾乃羽氅輕披雕鞍穩

蒼黃初集附錄

卷十八

三

跨岑嘉州餞別之餘王昌齡端居之暇尋碑軹道之亭貰
酒樸陽之舍休嘲飯顛人殊島瘦郊寒夙號膏腴地界左
澧右灞千巖寂寂一水迢迢星迴鵲駕泥印鴻消舟橫渡
古鐘斷山遙憶剡溪乘興之年蘭橈徑去正梁苑陪游之
際柳絮輕飄漾清光於眼纈忽怒發於心苗壁上紗籠幾
處雷題山寺囊中錦貯一篇攜過溪橋於是新機泉湧妙
緒霞攄句雕瓊而可擬詞琢玉以堪如冰柱雪車之什煙
蓑雨笠之餘賔清吟之落落循歸路以徐徐應無醉尉之
訶將軍射虎略比閭仙之詠京兆騎驢若乃芸署聯鑣蓬
壺振佩玉螭遙連金鼇遠對校書則輝映粲然奏賦則文

成藻續侵曉而簪毫入直日麗
螭頭宵深而起草挑燈霜生雁背

蒼真初集附錄

卷十八

三

館試梅柳渡江春賦

以蘋風暖送過江春爲韻

韶光乍轉芳序初新梅英欲老柳色剛勻何處尋春十里
東風之路有人喚渡三篙流水之濱悵遠道以絲絲吟成
芳草寄幽懷之渺渺采罷江蘋則有瓊枝茁秀玉蕊橫空
千林積素一萼縈紅始凌霜而豔吐旋射日以香融任疎
影之橫斜初三夜月又輕寒之料峭廿四番風若乃綺陌
煙生長堤漲滿弱榦方低柔荑尙短黃似縷以猶輕綠如
絲而不斷游鷗繫處三叉之路口陰多乳鴨浮來二月之
江頭水暖麗旭烘晴層冰解凍看江上之鴻歸聽江干之
鶯弄風光點蕩遙連杜若之洲消息蒼茫近接桃花之洞
蒼葭初集附錄

卷十八

三

是庾嶺書來之候驛路人遙漸灞橋塵起之時長亭客送
鷺浴沙明鷗橫浪破梅汀而春信先歸柳嶼而春陰遠播
前溪昨夜淩波之畫舫雙橈隔岸誰家臨水之漁村幾箇
逐春光於驢背冉冉香來逗春色於虹腰垂垂綠過於是
平臨高閣遠眺晴窗動羈人之旅緒和郢客之新腔寄情
蘅杜託興蘭茝芳訊遙傳處處之山川入畫歸心正切年
年而煙雨橫江曷若

皇都日麗寰寓風淳祥颺應候甘雨依旬

鳳沼之波明若鏡

龍池之草積成茵賦就梅花鼎鼐定千秋之業衣沾柳汁

鶯花看九陌之春

蒼葭初集附錄

卷十八

三

館試文翁化蜀賦 以漢之循吏文翁稱首爲韻

考循吏於班書冠文翁於西漢本經術之深醇化民情之
驕悍銅符按部參旗井絡之鄉石室談經雅雨黎煙之畔
控岷峨於遠服萬里窮荒啓揚馬之先聲一朝文翰維昔
三章既定百職咸釐朱邑有桐鄉之祀龔遂畱渤海之思
黃次公潁川著績召信臣上蔡牽絲備催科撫字之能亦
稱慈父論說禮敦詩之雅難號經師孰愛人而學道本儒
術以治之魚復之地犍爲之濱青泥東走黑水西循竇布
賕錢之俗碧雞金馬之神溯蠶叢開國以還天荒百越看
鳥道橫空而上地阻三秦非榛狉之悉化將獷武而難馴

蒼葺初集附錄

卷十八

三

然其時黃老方崇詩書莫事經蒐秦火之餘典失周官之
次儀成繇蕞難徵王會之圖議罷明堂空衍曲臺之記在
公卿於絳灌半屬勳臣修法令於申韓大都俗吏蓋潤色
之未遑故規模之弗備猗歟良牧共頌神君矯邊氓之舊
習闡前聖之遺聞筐篚殷勤刀布作先生之贄衣冠爾雅
膠庠修弟子之文人從劍閣而來擔簦向學吏上琴堂而
空負笈成羣於是書林廣闢儒館彌隆育青衿之濟濟樂

饗序以融融孝弟明經邑有束脩之子中和作樂野多擊
壤之翁二千年虎落蛇鄉全銷瘴雨十萬戶巴歌渝舞同
坐春風所由循聲遠播異績交稱千里之桑麻相屬四方

之學校俱興迄今錦江日暖石棧雲蒸瞻俎豆於崇祠蘋
蘩薦肅聽琴歌於學舍芹藻香凝

聖朝吏道肅清民風厯厚廣

文治之涵濡重官方之職守通儒映雪以橫經賢宰承風
而結綬徧

堯封而驗俗已卜從心拜

虞陛以賡歌羣欽

元首

蒼葭初集附錄

卷十八

三

館試春雨如膏賦

以隨風入夜潤物無聲爲韻

并序

唐人有春雨如膏詩膏舊讀平聲然考詩檜風羔裘膏與
曜爲韻

高宗御製詩援此以證舊讀之誤頃

延試舉人以是

命題而黜其誤者旣爲斯賦因申其說於篇末云

壤開繡錯林密絲垂香融屐滑影重蓑披短陌探春之候
小樓聽雨之時翳輕陰而未散含薄潤以全滋密灑花梢
日日而啼鳩不斷濃添黍膏村村而叱犢相隨當夫明霞
夕映麗旭朝烘絮搖飛白塵漾輕紅望春郊而路迴藹春

蒼莨初集附錄

卷十八

七

樹以陰籠

時之燕語鶯啼簫聲送暖十里之水村山郭

帘影搖風旣而日隱層巒煙縈廣隰榆莢錢飄苔斑衣溼

甫觸石以文成遂跳珠而響急養花天好千林而漠漠全

低翦非人來一徑而迢迢深入其如膏也浥露光凝含雲

質化方灑道以塵清每隨車而澤下盼魚星之始見滿缶

盛來聽鳥語之遙傳提壺喚罷盈疇穀播耕深南陌之中

繼晷蘭焚話永西窗之夜則見水淨藍拖峰橫碧襯磴滑

螺盤泥深鴻印和將石髓三篙之軟漲頻添洗出山容一

髮之遙嵐細認想分甘於仙醴池好觴流欣播闔於天瓢

柱先礎潤脂薄還勻紋迴更髮凝酥而淺草初齊濯影而

垂楊乍拂可是釀餘竹葉雲液堪斟倘教潑上桃花霞漿
許乞松梢新沐鱗皴而樹盡干霄茱甲深含脈起而土能
育物是其氤氲元化溲漉寰區澤均霑夫肅肅美遠甚於
醞醕惠普無私雉鼎豈占夫不食聲諧有耀羔裘並詠夫
如濡譬鄴鄴之攸殊方音必辨似風風之各別疑義全無
聖朝和延玉燭度正璣衡五躔占其來備三階協以咸平
甘澍則依旬誌瑞生機則上尺敷榮幽籥同吹大有卜崇
墉之慶

堯尊普及臚歡傳擊壤之聲

蒼葭初集附錄

卷十八

三

館試仁壽鏡賦 以仁壽殿前有銅鏡焉爲韻

披陸機之華翰識晉代之奇珍
敞璇宮之艷赫懸寶鏡之
璘闢久照得天不息比聖人之壽虛中鑒物大公表王者
之仁上金鑑於千秋呼嵩有慶燭珠瀛於萬里寰海無塵
爾其仁壽之爲殿也紫極周環丹楹疊構藻井承楣芝栴
對雷似唐宮之魏煥舊號宣仁同漢殿之穹隆新名永壽
九華遙接玉繩低映之時雙闕宏開銅掌高擎之候有鏡
焉采散千條精經百鍊太乙窺爐豐隆揮扇只合山車澤
馬瑞應偕來居然舞鳳盤螭昌期適見金釭銜壁渾如長
樂之宮珠燭澄宵卽是通明之殿爾乃霜華比潔霞彩爭

蒼莧初集附錄

卷十八

五

鮮晃朗銅鋪之側晶瑩瑤凡之前開成吉利之花菱波淨
拭種就恆春之樹桂月遙懸玳瑁臺高一朶之祥雲深護
芙蓉闕近萬年之旭日常圓時也露浥官花煙霏禁柳翔
靈鳳於翠罨爛文鸞於組綬光融沼北恩覃太液之波影
射弧南色煥中天之斗騰瑞靄於三霄納眞形於萬有祥
麟鑄出疑遊解網之朝海鳥窺來恰是添籌之後是則珍
符肇啟嘉德潛通證虛明於淵鑑表純粹於貞銅如至人
心蘊仁心於在抱合衆生相呈壽相於當中依九重日月
之光仁暉普照寫大地山川之影壽寓延洪別有巨石嵯
峨遠峰明靚文傳蜀道之奇事紀唐書之盛孰與夫閭闔

平臨瓠棧斜映繪萬戶千門之景瑞入瑤圖正三分一統
之年祥開金鏡要未若我

皇上至仁育物

聖壽符天金鏡光夫上下璣鏡燭夫垓埏八千春軒筴重
推

慈闈晉嘏

九五福箕疇畢備

帝座乘乾和玉燭於三陽庶民咸若鞏金甌於億載天下
歸焉

蒼莨初集附錄

卷十八

三

館試金蓮炬送歸院賦

以題爲韻

并序

翰林官始李唐憲宗時又有承旨之職令狐子直當大中初爲此官寵遇尤渥禁中夜對蓮炬送歸遭際之榮當世罕見嘗考唐之學士昭文集賢分隸中書門下省其置院在宣政殿之東西兩閣門惟翰林學士獨無所屬號爲內相駕在大內則置院於明福門在興慶宮則置院於金門其後視政恆御紫宸德宗乃移院於金鑾坡上當左右銀臺門間所謂西內者也地邇任重禮數亦殊制度之遺有可述者並著於篇云爾

龍樓地迴鶴籞宵深銅鋪欲闔銀箭方沈別殿而螭頭入
蒼莨初集附錄 卷十八

卷十八

三

侍周廬而豹尾遙臨官扇頻移月上觚棱之影天書乍捧
風傳鈴索之音開十丈之蓮華井疑號玉映兩行之樺燭
帶恰圍金夫其家承宰相官擬神仙擢第而梯攀丹桂分
符而幕啓紅蓮旣揚鑣於蓬閣遂振佩於花輓入虎觀以
簪毫銀章特縮近龍光而接膝金鏡分編爲問蒼生夜久
特虛前席只妨青瑣路遙難整歸鞭則有綠桂千枝丹雘
一炬削鳳味以輕吹截豹肪而深貯細排銀粟蓮房而紅
泚霜霏低蔭銅荷蓮葉而綠搖風舉映九微之煜爚薪本
堪傳開四照之玲瓏花如解語彩耀芝栴輝流松棟燭迴
樽木之龍蠟注桐花之鳳明光殿裏釭銜壁以成文長樂

宮中盤綴珠而入貢。鵠蓋以霞披。颯鸞鈴而風送。祇合
瞻來天上。斜連赤羽之旗。未應照徹人間。緩把青絲之鞞。
乍從玉案。移出綸扉。指含元而却轉。經宣政以遄歸。輦路
而誤疑仙仗。鑪香而暗惹宮衣。一葉槎浮許分光於乙杖。
萬年枝動看倒影於辰旂。纔知捧日樽桑。城原不夜。恰好
迎風花萼。樓近相輝。蘭照三更芸香。萬卷春深。芍藥之階
人靜。芙蓉之院。想挑燈而起。草意蕊爭飛。倘刻燭以催詩。
詞條競絢。緬回憶大酺。元夕千尋之火樹。然來非關寒食。東
風一縷之煙痕。散徧是則望重。鰲峰榮攀雞樹。煥東壁之
光芒。增西清之掌故。晁文元似此才華。蘇玉局同斯遭遇。

蒼葺初集附錄

卷十八

三

小臣 撥藻無能舒翹得路同聽蓮漏拜

鳳綉以承

恩幸廁

金坡染麟毫而奏賦

